



Ufutiliaji, Utathmini na Ujifunzaji kwa njia Salama

Karibu kwenye moduli ya tano ya mfululizo wa sehemu tano ya Masuala ya Kulinda Usalama. Moduli hii inatanguliza mazoea ya kulinda usalama katika ufutiliaji, tathmini na ujifunzaji kuitia masimulizi endelevu ya shirika la Family Health Frontiers (FHF) na mshirika mtekelezaji Sure Health Africa (SHA). Haya ni mashirika ya kijamii ya kitaifa ya kubuniwa yanayoshughulikia masuala halisi ya kulinda usalama.

Muhtasari wa Kozi

1. [Utangulizi](#)
2. [Kupanga Ufutiliaji, Utathmini na Ujifunzaji salama](#)
3. [Ufutiliaji, Utathmini na Ujifunzaji salama unavyofanya kazi](#)
4. [Kujifunza na kutafakari kwa programu salama](#)
5. [Muhtasari](#)

Utangulizi

Karibu kwenye Moduli ya 5

Hapa utaendelea na timu ya FHF katika safari yao ya kulinda usalama. Moduli hii itashughulikia jinsi:

- Kulinda usalama kunapaswa kuzingatiwa na kujumuishwa katika shughuli za ufuatiliaji, tathmini na ujifunzaji katika kipindi chote cha programu.
- Ufuatiliaji, tathmini na ujifunzaji unaweza kusaidia safari ya kulinda usalama ya shirika au programu.

Muda wa kusoma ni dakika 45-60

Matokeo ya Mafunzo

Moduli hii itakusaidia:

- Kufahamu kanuni za kimsingi za kuhakikisha ufuatiliaji, tathmini na ujifunzaji ulio salama.
- Kuelewa jinsi ya kukusanya maoni kuhusu kulinda usalama kuitia shughuli za ufuatiliaji za kila mara.
- Kuelewa umuhimu wa kulinda usalama wa washiriki wa programu, wanajamii na wafanyakazi wanaohusika katika shughuli za ufuatiliaji, tathmini na ujifunzaji.
- Kutambua hatari za kulinda usalama ndani ya shughuli za ufuatiliaji, tathmini na ujifunzaji na uweze kutumia kanuni za msingi za ufuatiliaji, tathmini na ujifunzaji ulio salama kushughulikia hizi.

Moduli hii ina sehemu tatu

Sehemu ya 1- Kupanga Ufuatiliaji, Utathmini na Ujifunzaji salama

Kuelewa kile kinachopaswa kuzingatiwa wakati wa kupanga shughuli za Ufuatiliaji, Tathmini na Ujifunzaji, kujifunza jinsi safari ya kulinda usalama na michakato iliyotangulizwa katika moduli 1 - 4 inavyotumika kwa Ufuatiliaji, Tathmini na Ujifunzaji, na jinsi ya kufuatilia kulinda usalama ndani ya programu.


Sehemu ya 2 - Ufuatiliaji, Utathmini na Ujifunzaji salama unavyofanya kazi

Kuchunguza jinsi timu ya shirika la FHF ya Ufutiliaji, Tathmini na Ujifunzaji inavyohakikisha ukusanyaji na ulinzi wa data kwa njia salama wakati wa ziara ya ufutiliaji kwa washirika wao wa programu, jinsi ya kutambua na kuitikia hatari za kulinda usalama katika jamii, na jinsi ya kukusanya maoni kuhusu kulinda usalama kuititia ufutiliaji.

Sehemu ya 3 - Kujifunza na kutafakari kwa programu salama


Junge na shirika la FHF wanapotafakari na kujifunza kutohana na maoni yanayokusanya kuititia shughuli zao za ufutiliaji.

Hii hapa ni kumbukumbu ya Timu ya shirika la FHF, tuliyofuata katika Moduli za 1 - 4. Katika moduli hii tunaendelea na safari yetu na shirika la FHF, hasa na Wani na Mimi ambao wana majukumu muhimu katika moduli hii.



Hapa pia kuna kumbukumbu ya timu ya shirika la SHA, ambao ni sehemu ya shughuli za ufutiliaji katika moduli hii.

Sure Health Africa



Kupanga Ufutiliaji, Utathmini na Ujifunzaji salama


Sehemu ya 1

Katika sehemu ya kwanza ya moduli, utajifunza jinsi ya kupanga shughuli zako za ufutiliaji na tathmini ili kuhakikisha kuwa ni salama na hazina madhara. Utapitia upya kanuni kutoka kwa moduli 1-4 ili kuelewa umuhimu wao katika Ufutiliaji, Tathmini na Ujifunzaji. Pia utajifunza jinsi ya kukusanya maoni kuhusu kulinda usalama kuititia shughuli za ufutiliaji.

Kufuatia mukutano wa ukaguzi wa kulinda usalamai katika moduli ya 4, Wani, Kiongozi wa Ufutiliaji, Tathmini na Ujifunzaji katika shirika la FHF, anataka kuhakikisha kuwa kulinda usalama kunazingatiwa na kutumika katika shughuli zote za Ufutiliaji, Tathmini na Ujifunzaji.

Kakiye, Mkurugenzi Mtendaji wa shirika la FHF, pia anamakinika kukusanya maoni kuhusu jinsi programu hiyo inalinda usalama wa wafanyakazi, wafanyakazi wa kujitolea na washiriki wa programu.

Shirika la FHF lina timu ya ufutiliaji, tathmini na ujifunzaji ili kufutilia athari za Programu ya Chanjo ya Watoto wachanga, ikijumuisha shughuli za washirika wa utekelezaji, kama vile shirika la SHA.



Ufutiliaji: tathmini inayoendelea na ya mara kwa mara ya shughuli za programu.

Tathmini: tathmini ya maendeleo ya programu kuelekea mafanikio ya mabadiliko, matokeo au athari. Hii hufanyakika katika muda uliopangwa katika mzunguko wa programu hasa mwanzoni, katikati na mwishoni mwa programu.

Kujifunza: mchakato unaoendelea wa kutafakari juu ya data na habari iliyokusanywa kutoka kwa asili balimbali za data ili kufahamisha kufanya maamuzi na kukabiliana na hali.



Mbinu za kukusanya data: uchunguzi, mahojano, hojaji, hifadhidata.

Kama sehemu ya ufuatiliaji wao, shirika la FHF hukusanya data kutoka kwa washikadau na washiriki wa programu. Wanachanganua data hii ili kubaini jinsi programu imekuwa na ufanisi na ni mabadiliko gani programu hii imesababisha.

Wanafanya safari nyingi za mara kwa mara za kukusanya data katika maisha ya programu.

Jinsi na ni kwa nini kulinda usalama ni muhimu sana katika Ufuatiliaji, Tathmini na Ujifunzaji na Ufuatiliaji, Tathmini na Ujifunzaji ni muhimu sana kwa kulinda usalama:

1

Shughuli za Ufuatiliaji, Tathmini na Ujifunzaji zinaweza kutusaidia kuelewa kama programu ni salama

2

Shughuli zenyewe za Ufuatiliaji, Tathmini na Ujifunzaji zinahitaji kuwa salama

Kuna njia kadhaa ambazo Ufuatiliaji, Tathmini na Ujifunzaji unaweza kusaidia mazoezi ya kulinda usalama kwa shirika:

Kutambua njia ambazo mbinu za kulinda usalama zilizopo zinawajibika kwa watu wanaonufaika.	Kuchunguza ni kwa nini na jinsi gani masuala na hali fulani za kulinda usalama zinatokea.
Kuonyesha jinsi mradi ulivyo mbali au karibu kufikia kiwango kinachohitajika cha kulinda usalama na kusaidia kuarifuna maoni na mahitaji ya mtumiaji. mipango ya utekelezaji iliyoundwa kushughulikia mapungufu.	Kuhakikisha mradi unasalia kulingana

Kunasa na kuchanganua hatari za kulinda usalama na kuimarisha upunguzaji.	Kufanya marekebisho yanayohitajika kwa Mbinu Msingi za Kuripoti za Jamii na kushughulikia kisa ili kuhakikisha kuwa mfumo unabaki kuwa wa kufaa na unaolengwa kwa mahitaji ya eneo husika.
Kutoa 'mfumo wa onyo la mapema' kwa kuangazia maeneo yoyote yanayohitaji kuzingatiwa au, inapobidi, kukuzwa ili yashughulikiwe mara moja.	Kudondo masomo uliyojifunza, na kujenga desturi ya kujifunza na kuendelea kujiboresha.

Kuna sababu kadhaa ni kwa nini kulinda usalama kunahitaji kuunganishwa ipasavyo katika michakato ya ufuatiliaji na tathmini:

1

Shughuli za Ufuatiliaji, Tathmini na Ujifunzaji ni lazima ziwe salama kwa wafanyakazi, watu wanaojitolea na washiriki wa programu wanaohusika. Hii inajumuisha wafanyakazi na wakusanyaji data wanaosafiri kwa ajili ya kukusanya data na vilevile wakati wa kukusanya data.

2

Shughuli za Ufuatiliaji, Tathmini na Ujifunzaji zinaweza kusababisha madhara, aibu, upinzani au kiwewe tena kwa washiriki ikiwa hatari za kulinda usalama hazitazingatiwa vyta kutosha.

3

Ukosefu wa usawa wa mamlaka upo kati ya wafanyakazi wa programu, wakusanyaji data na washiriki wa programu, ambao unaweza kuunda hatari za kulinda usalama. Haya yanahitaji kutambuliwa na kupunguzwa.

4

Kukusanya data kuhusu mada nyeti kunaweza kuongeza hatari za kulinda usalama kwa washiriki. Timu ya kukusanya data lazima ifahamishwe kuhusu taratibu za kuripoti, na kuwa na ujuzi mzuri wa njia za rufaa na huduma za msaada zinazopatikana kwa washiriki.

Ili kupata maelezo zaidi tembelea Kituo cha Rasilimali na Usaidizi - [Jinsi ya kutambua, jinsi ya kubuni na kutoa Ufutiliaji, Tathmini na Ujifunzaji na utafiti ulio salama na wa kimaadili.](#)



Wani, Kiongozi wa Ufutiliaji, Tathmini na Ujifunzaji katika shirika la FHF, anapanga ziara ya mara kwa mara ya kukusanya data katika shirika la SHA ili kukusanya data dhidi ya viashiria vya programu.

Baada ya mkutano wa ndani wa ukaguzi wa kulinda usalama, Wani anataka kuwa macho zaidi ili kuhakikisha ziara ya ufutiliaji ni salama kwa wote wanaohusika (wafanyakazi, wanaojitolea na washiriki wa programu).



Kakiye, Mkurugenzi Mtendaji wa FHF, pia anamakinika zaidi ili kuelewa jinsi programu hii inavyowalinda wote wanaohusika, hasa baada ya mkutano wa ndani wa ukaguzi wa kulinda usalama. Anataka timu ya Ufutiliaji, Tathmini na Ujifunzaji kukusanya maoni kuhusu hili wakati wa ziara yao inayofuata ya ufutiliaji.



Wakati wa ziara ijayo ya kukusanya data, timu ya Ufutiliaji, Tathmini na Ujifunzaji itakuwa ikikusanya data dhidi ya viashiria vya programu ili kuelewa maendeleo ya programu.

Wanahitaji kuanza kupanga na kuunda mchakato wa kukusanya data. Ni muhimu kuzingatia kanuni na mahitaji ya kulinda usalama na jinsi ya kutumia haya kwa shughuli za Ufutiliaji, Tathmini na Ujifunzaji.

Kuwa na viashiria mahususi vya kulinda usalama vilivyoundwa kwa ajili ya Programu ya Chanjo ya Watoto Wachanga ni muhimu ili kuelewa maendeleo na hatari, kwa mfano:

Kina mama katika Programu ya Chanjo ya	Asilimia ya kina mama wanaojua jinsi ya kuripoti dhuluma na unyonyaji.
---	--

Watoto wachanga	Mtazamo wa kina mama kuhusu usalama wa huduma zinazotolewa/ kina mama walioripoti mitazamo ya jinsi wanavyojihisi salama kupata huduma za chanjo.
Wafanyakazi wa Programu	Asilimia ya watu wanaonufaika ambao wanaripoti mitazamo nyeti na isiyo ya kibaguzi ya wafanyakazi wa programu.
Jamii Pana	<p>Idadi ya vikao vya kulinda usalama vinavyofanyika katika jamii.</p> <p>Asilimia ya wanajamii ambao wanaweza kutambua na kujua jinsi ya kuwasiliana na mratibu wa kulinda usalama katika programu.</p>

Wani, Kiongozi wa ufuatiliaji, tathmini na ujifunzaji na Mimi, afisa wa ufuatiliaji, tathmini na ujifunzaji, wanakutana ili kuanza kupanga ziara yao ya ufuatiliaji.



"Mimi, hivi karibuni tutafanya ziara ya kukusanya data ya mradi wa SHA ili kukusanya data dhidi ya viashiria vya mradi. Tutahitaji kuhakikisha kuwa ziara yetu na ukusanyaji wa data ni salama kwa kila mtu anayehusika."

"Tunapaswa kurejelea mpango wetu wa ufuatiliaji, tathmini na ujifunzaji, hii itatusaidia kijiandaa. Je, unafikiri tunapaswa pia kuzungumza na Achol kuhusu mipango yetu ya kulinda usalama? Umefahamisha shirika la SHA kuhusu ziara yetu iliyopangwa?"



"Ndiyo, tumejulisha shirika la SHA na wanatutarajia. Ni wazo zuri la kurejelea mpango wa ufuatiliaji, tathmini na ujifunzaji na kuzungumza na Achol. Ninafikiri baadhi ya mambo yapo tayari, lakini tunaweza kuhitaji kuzingatia maeneo ya ziada. Je, unaweza kufanya hivyo?"

Wanapojojandaa kwa ziara yao ya kukusanya data, Wani na Mimi wanahitaji kufikiria jinsi gani watahakikisha ukusanyaji wa data unafanywa kwa usalama pamoja na kukusanya habari kuhusu programu salama. Kuna kanuni kadhaa za kulinda usalama ambazo wanapaswa kuzingatia wakati wa kufanya hivyo.

Angalia kanuni hizi za ulinzi ambazo Wani na Mimi wanatumia ili kuongoza maandalizi ya ziara yao.

Faragha

Wafanyakazi wa ufuatiliaji, tathmini na ujifunzaji na wakusanya data wanapaswa kuheshimu kwamba watu wana haki ya kuamua ni nani wanashiriki nao hadithi yao. Wafanyakazi wa ufuatiliaji, tathmini na ujifunzaji wana wajibu wa kuhakikisha data zote zinasalia kwa ufaragha na kuweka wazi kwa washiriki hali mahususi ambapo faragha inaweza kuvunjwa.

Idhini Iliyoarifiwa

Wafanyakazi wa ufuatiliaji, tathmini na ujifunzaji na wakusanya data wana wajibu wa kupata idhini iliyoarifiwa kutoka kwa washiriki. Hii inamaanisha kuwa washiriki wote wanaelewa madhumuni ya ukusanyaji wa data, nini kitatokea kwa habari yao na haki yao ya kuondoa idhini/ushiriki wakati wowote.

Usidhuru

Wafanyakazi wanapaswa kuepuka kufichua wanaonufaika (watoto na watu wazima), wanajamii au wafanyakazi wa mradi kwa hatari zaidi kuititia vitendo vyao na wanapaswa kuupa kipaumbele usalama na ustawi wa watu binafsi zaidi ya mazingatio mengine.

Maslahi Bora ya Mtoto

Hii ni kanuni ya haki za watoto kutoka kwa [Kifungu cha 3 cha Mkataba wa Umoja wa Mataifa wa Haki za Mtoto](#), inayosema kwamba "katika vitendo vyote kuhusu watoto, iwe ni vilivyofanywa na taasisi za ustawi wa jamii za umma au kibinafsi, mahakama za sheria, mamlaka za utawala au vyombo vyaa sheria, maslahi bora ya mtoto yatakuwa ya msingi.

Kutobagua

Wafanyakazi wanapaswa kuwatendea watu wote kwa haki na kwa usawa na kutobagua kwa misingi ya utambulisho cha kijinsia, ujinsia, umri, hali ya ulemavu, rangi, kabilia, au dini.

Usikilizaji usio wa Kuhukumu

Wafanyakazi wote wanapaswa kusikiliza bila kuhukumu wakati washiriki wanashiriki habari. Washiriki wote wanapaswa kujihisi salama na wanaaheshimiwa wakati wote wakati wa kukusanya data.

Unyeti

Wafanyakazi wanapaswa kuzingatia unyeti wa desturi wa jamii wanayotembelea. Wanapaswa kujua ukosefu wa usawa wa mamlaka kati yao na washiriki wa programu na athari ya ziara yao kwa jamii ikijumuisha usumbufu wowote hii inaweza kusababisha.


Kumbuka:

Kanuni na maadili ya kulinda usalama hujiunganisha na tabia.

Kufuatia mkutano wa ukaguzi wa ndani wa kulinda usalama, Wani amechukua muda kutafakari juu ya tabia yake mwenyewe kama meneja, na nafasi yake ya mamlaka katika shirika. Anafanya juhudzi za makusudi za kusaidia na kujenga mazingira salama na timu yake.

Aina hii ya tafakari muhimu inaweza kusaidia uundaji wa desturi ya shirika ambayo inaimarisha na kuboresha mazoea na tabia za kulinda usalama.

"Ninashangaa ikiwa nimefanya kila ninaloweza ili kuunda mazingira salama na ya kuunga mkono kwa Mimi?"



Kufuatia mkutano wake na Wani, Mimi anarejelea mpango wa ufuatiliaji, tathmini na ujifunzaji na anatambua kuwa kuna mapungufu kadhaa kuhusiana na kulinda usalama.

Anatumia kanuni za kulinda usalama ya kumuongoza katika kutengeneza orodha rahisi ya ukaguzi ili kusaidia shirika la FHF kujiardaa kwa ukusanyaji wa data.

Orodha ya ukaguzi ya kulinda usalama katika ufuatiliaji, tathmini na ujifunzaji	
Hakikisha kuwa wafanyakazi wote na watu wa kujitolea wanaohusika katika kukusanya data wamehudhuria mafunzo ya kulinda usalama, ikijumuisha mafunzo kuhusu kanuni ya maadili.	
Tambua njia za rufaa na taratibu za kuripoti za eneo husika	
Hakikisha kuwa wafanyakazi wote wanaelewa mbinu za kuripoti na majukumu ya kuripoti.	
Fanya tathmini ya hatari	
Elewa mazingira, lugha na desturi ya eneo hilo.	
Zingatia mahitaji ya kulinda usalama ya washiriki na unyeti wa suala wakati wa kubuni mtazamo, mbinu na zana zinazotumiwa kukusanya data.	
Buni taratibu za idhini iliyօarifiwa.	

Ili kupata maelezo zaidi tembelea Kituo cha Rasilimali na Usaidizi - [Jinsi ya kubuni na kutoa ufuatiliaji, tathmini na ujifunzaji na utafiti ulio salama na wa kimaadili.](#)

Shukrani kwa maendeleo ambayo shirika la FHF limefanya kuhusu kulinda usalama, baadhi ya orodha ya ukaguzi tayari imekamilika katika ziara hii ya kukusanya data:

- Timu ya ufuatiliaji, tathmini na ujifunzaji ilishiriki katika mafunzo ya kulinda usalama ya FHF, ikijumuisha mafunzo kuhusu kanuni ya maadili.
- Timu ya ufuatiliaji, tathmini na ujifunzaji imekusanya data katika eneo hili hapo awali na wanajua muktadha, lugha na desturi za eneo hili. Watafanya kazi kwa karibu na timu ya SHA ambayo inaweza kushiriki habari kuhusu mabadiliko yoyote.
- Shukrani kwa kazi ya Achol, kama kiongozi wa kulinda usalama, na mafunzo ya kulinda usalama, timu ya ufuatiliaji, tathmini na ujifunzaji inaelewa kuhusu taratibu za kuripoti na majukumu.

Matokeo:

Orodha ya ukaguzi ya kulinda usalama katika ufuatiliaji, tathmini na ujifunzaji	
Hakikisha kuwa wafanyakazi wote na watu wa kujitolea wanaohusika katika kukusanya data wamehudhuria mafunzo ya kulinda usalama, ikijumuisha mafunzo kuhusu kanuni ya maadili.	✓
Tambua njia za rufaa na taratibu za kuripoti za eneo husika	✓
Hakikisha kuwa wafanyakazi wote wanaelewa mbinu za kuripoti na majukumu ya kuripoti.	✓
Fanya tathmini ya hatari	
Elewa mazingira, lugha na desturi ya eneo hilo.	✓
Zingatia mahitaji ya kulinda usalama ya washiriki na unyeti wa suala wakati wa kubuni mtazamo, mbinu na zana zinazotumiwa kukusanya data.	
Buni taratibu za idhini iliyoarifiwa.	

Hata hivyo, Mimi anagundua mapungufu kadhaa ambapo timu bado haijakamilisha vitendo katika orodha ya ukaguzi. Pia anataka kusisitiza umuhimu wa njia za rufaa na taratibu za kuripoti.

Tambua njia za rufaa na taratibu za kuripoti za eneo husika

Kabla ya kila ziara ya kukusanya data ni muhimu kutambua njia za rufaa na taratibu za kuripoti za eneo husika ikiwa matukio yoyote ya kulinda usalama yatafichuliwa wakati wa kukusanya data.

Fanya utathmini wa hatari

Kabla ya kila ziara ya kukusanya data ni muhimu kuwa tathmini ya hatari inafanywa ili kutambua hatari zinazoweza kutokea za kulinda usalama kwa wafanyakazi, watu wa kujitolea na washiriki wa programu. Hatari zinaweza kubadilika baada ya muda, kwa hivyo hata ikiwa ukusanyaji wa data unafanyika katika jamii ambayo timu tayari imetembelea ni muhimu kukagua tathmini hii na kufanya marekebisho yoyote ambayo yanafaa.

Zingatia mahitaji ya washiriki ya kulinda usalama na unyeti wa suala wakati wa kubuni mtazamo, njia na zana zinazotumiwa kukusanya data

Wakati wa kubuni mbinu ya kukusanya data na zana, kulinda usalama inahitaji kuzingatiwa ili kuhakikisha kuwa washiriki na wafanyakazi wako

salama kutokana na madhara. Hii inapaswa kufahamishwa na mada na maswali unayotafiti na washiriki ni kina nani.

Kubuni taratibu za idhini iliyoarifiwa

Kabla ya kila ziara ya kukusanya data, taratibu wazi za idhini iliyoarifiwa zinapaswa kutengenezwa. Taratibu hizi zinapaswa kulengwa kwa shughuli za kukusanya data, kwa kuzingatia maudhui ya ukusanyaji wa data na ambao watashiriki (kwa mfano watoto watahitaji taratibu tofauti za idhini iliyoarifiwa ikilinganishwa watu wazima).

Kumbuka:

Ikiwa unapanga shughuli zozote za kukusanya data na kuna mapungufu katika taratibu zako za kulinda usalama, unaweza kuuomba msaada kutoka kwa mratibu wako wa kulinda usalama, au kushauriana na rasilimali za Kituo cha Rasilimali na Usaidizi.

"Tuna mapungufu katika orodha yetu ya ukaguzi wa kulinda usalama, ninashangaa ikiwa Achol au Victor wanaweza kusaidia, kama waratibu wa mashirika ya FHF na SHA. Wanaweza kuwa tayari wametengeneza baadhi ya vitu hivi kwa ziara ya watu mashuhuri. Nitapanga kuongea nao kwa simu pamoja ili kujadili"



"Helo Achol na Victor, Wani na mimi hivi karibuni tutakwenda kwenye ziara ya ufuatiliaji wa mradi wa SHA ili kukusanya maoni kutoka kwa washiriki wa programu, ikijumuisha kina mama. Nimeunda orodha ya ukaguzi wa kulinda usalama na kutambua kwamba bado tunahitaji kutengeneza tathmini ya hatari na utaratibu wa idhini iliyoarifiwa, je, mnaweza kuwa na mwongozo wowote?"

"Ni vizuri kusikia umetengeneza orodha ya ukaguzi wa kulinda usalama. Wakati timu yetu ya programu ilikuwa ikijiandaa kwa ziara ya watu mashuhuri walifanya tathmini ya hatari. Ninaweza kutuma nyenzo hizi ili uweze kuzirekebisha. Kwa kuwa utakuwa unakusanya maoni kutoka kwa washiriki wa programu uthalazimika kuzingatia hatari kwao."



"Ndiyo, na timu ya SHA ilipaswa kupata idhini ya kutumia picha zao wakati wa mchakato huu. Hii inaweza kuwa haifai kwa ukusanyaji wako wa data lakini ninaweza kushiriki fomu hizi maalum za idhini."

Vidokezo muhimu vya Idhini Iliyoarifiwa.

Idhini ilioarifiwa ina maana kwamba watu binafsi wanaelewa:

- Ni taarifa gani inakusanywa na ni kwa nini.
- Ni hatua gani zitatumika kulinda faragha ya washiriki, ikijumuisha hali ambazo faragha inaweza kulazimika kuvunjwa kutokana na madhara ya haraka au mahitaji ya kuripoti kwa lazima.
- Ni hatari au manufaa gani za kibinafsi, kama yapo, yanaweza kuwa kwa ushiriki wao.
- Jinsi habari hiyo itatumwiwa, ni nani ataipata na jinsi itakavyowekwa kwa usalama.
- Habari hiyo itashikiliwa kwa muda gani na kwamba itaharibiwa baada ya muda huo.
- Kwamba kukataa kushiriki hakutaathiri uhusiano wao au msaada kutoka kwa shirika.
- Maelezo kuhusu ni nani wa kuwasiliana naye kwa maswali yoyote au kero kuhusu utafiti au ushiriki wao.
- Kwamba wanawenza kuondoa idhini yao ya kushiriki au ya kuhifadhiwa au kuripotiwa kwa data yao wakati wowote.

Kumbuka: Haki ya Watoto kwa Idhini Iliyoarifiwa

1

Watoto ni lazima wawe na habari yote kuhusu shughuli ya utafiti ili waweze kutoa 'idhini iliyoarifiwa'.

2

Kupata idhini ya watoto mara nyingi hupuuzwa au kudhaniwa kuwa wajibu wa wazazi/walezi.

3

Kupata idhini ya watoto mara nyingi hupuuzwa au kudhaniwa kuwa wajibu wa wazazi/walezi.

4

Umri wa kisheria wa kutoa idhini kwa kila nchi unapaswa kuzingatiwa, katika kisa ambapo mtoto ana umri mdogo inaweza kuwa bora zaidi kupata idhini kutoka kwa mzazi na kukubali kutoka kwa mtoto. Kukosa kupata idhini kutoka kwa wazazi katika kisa hiki kunaweza kumweka mtoto katika hatari. Zingatia maslahi bora ya mtoto wakati wote.

5

Katika nchi nyingi watoto hawawezi kisheria kutoa 'idhini', hata hivyo, ni muhimu kwamba wanaulizwa kuhusu nia yao ya kushiriki. Hii inaitwa kukubali.

6

Ni kwa kuwapa habari tu na kuomba idhini yao kwamba watoto wanapewa haki ya kukataa, au kujiondoa ikiwa wanataka.

7

Kupata idhini iliyoarifiwa kutoka kwa watoto ni lazima kufuate taratibu za kulinda usalama wa watoto na inapaswa kuongozwa na umri na uelewa. Habari iliyotolewa kwa mtoto na mzazi inapaswa kuelezea: nini kitatokea; nini kinachoulizwa juu ya mtoto; kwamba mtoto anaweza

kukubaliana - au kukataa kushiriki - bila matokeo mabaya; na anaweza kujiondoa wakati wowote; na kutolewa kwa lugha wazi katika kiwango ambacho mtoto anaweza kuelewa, kwa kutumia vifaa vya kuona ikiwa vitahitajika.

Shughuli ya 1.1: Idhini iliyoarifiwa kwa washiriki walio watu wazima

Ni ipi kati ya yafuatayo yanapaswa kujumuishwa katika fomu ya idhini iliyoarifiwa ya ukusanyaji wa data kutoka kwa mshiriki wa kike aliye mtu mzima?

1. Jinsi data yao itakavyohifadhiwa na nini kitatokea baada ya mahojiano / majadiliano / shughuli za kukusanya data
2. Habari zinazoweza kutambulika kuhusu mhojiwa (anwani, nambari ya simu, na kadhalika)
3. Utangulizi kwa shirika na timu ya kukusanya data, madhumuni ya kukusanya data na habari kuhusu ni nini watatarajia wakati wa zoezi la kukusanya data (ikijumuisha tabia ya wafanyakazi wa kukusanya data).
4. Habari kuhusu ni katika mazingira gani yatalazimu faragha kuvunjwa kutokana na hatari ya papo hapo, madhara au usalama, hasa kwa mtoto.
5. Habari kuhusu uzoefu wa kibinagsi wa mtafiti kuhusu mada inayojadiliwa
6. Ni hatari au manufaa gani ambayo yanaweza kutokana na ushiriki wao
7. Taarifa kwamba wanaweza kuondoa ushiriki wao wakati wowote

[Bonyeza hapa kuangalia jibu lako](#)

Vidokezo Muhimu vya Tathmini ya Hatari

- Kutengeneza tathmini ya hatari ni hatua muhimu katika shughuli yoyote ya utafiti. Ni muhimu kwamba timu ya utafiti izingatie hatari kwa washiriki wa utafiti pamoja na watafiti wenyewe, na jamii pana.
- Kwa mfano ikiwa mshiriki au mtu binagsi yuko katika hatari ya mara moja ya madhara au usalama wa mtoto uko hatarini. Hii itatofautiana kulingana na eneo kulingana na hali ya kisheria na sheria za eneo husika.

- Kuhusisha watafiti wa eneo husika na wanajamii katika kutengeneza tathmini ya hatari kutakusaidia kuangazia hatari ambazo huenda huzifahamu.
- Tathmini ya hatari inapaswa kukaguliwa mara kwa mara na kusasishwa katika mchakato mzima wa kukusanya data ili kuzingatia mabadiliko yoyote ya muktadha.

Tathmini ya hatari:

Hapa kuna mfano wa kiolezo cha tathmini ya hatari.

Shirika	FHF na SHA			
Washiriki wa timu	Wani, Mimi, Nyala, Victor			
Kiwango jumla cha hatari (L/M/H = Athari ndogo / athari ya wastani /athari kubwa):				
Tarehe ya ukaguzi				
Hatari	Maelezo	Uwezekano (L/M/H = Athari ndogo / athari ya wastani /athari kubwa)	Athari	Kupunguza
Hatari kwa washiriki				
Hatari kwa watafiti				

Tambua kiwango cha uwezekano wa hatari kutokea		Tambua athari inayoweza kutokea kwa watu binafsi na sifa ya shirika	
Uwezekano mkubwa	3	Athari kubwa	3
Inawezekana	2	Athari ya wastani	2
Haiwezekani	1	Athari ndogo	1

Shughuli ya 1.2: Shughuli ya tathmini ya hatari

Ifuatayo ni orodha ya hatari na upunguzaji ambao unaweza kutambua katika shughuli za kukusanya data - unaweza kufananisha hatari na upunguzaji ambao unaweza kuwasaidia Mimi na Wani kwenye ziara yao ya kukusanya data?

Hatari	Upunguzaji
Ukatili wa kimwili au dhuluma ya maneno kwa washiriki kutohana na ushiriki wao katika utafiti.	Mafunzo kwa watafiti kuhusu jinsi ya kushughulikia yaliyofichuliwa, ikijumuisha kuripoti na njia za rufaa.
Maumivu mapya kwa washiriki kuitia kushiriki uzoefu na watafiti	Uhamasishaji wa jamii ufanywe kabla ya shughuli za kukusanya data, ili kuijulisha jamii madhumuni ya ukusanyaji wa data.
Uchovu, dhiki na / au kupatwa na shida kwa watafiti au wanaokusanya data.	Fanya mikutano ya kutoa taarifa fupi na wasimamizi wa utafiti na timu ya utafiti mwishoni mwa kila siku, au siku ya pili.
Watafiti au wakusanya data wanapokiuka kanuni za maadili na kuweka washiriki katika hatari.	Mafunzo yatolewe kwa wakusanya data wote juu ya itifaki za utafiti: idhini, ulinzi wa data na faragha.
Washiriki wanafichua matukio ya kero (ukatili, dhuluma, unyanyasaji, unyonyaji).	Fanya majoribio ya awali ya zana ili kuhakikisha kuwa zinaeleweka vizuri na hazisababishi shida.

[Bonyeza hapa kuangalia jibu lako](#)

[Majibu ya Tathmini ya Hatari.pdf](#)

Wani anapanga kuonana na Kakiye, Mkurugenzi Mtendaji wa FHF, ili kumjulisha kuhusu maendeleo wanayofanya katika maandalizi yao ya kukusanya data.

Anashiriki sasisho la kazi ambayo Mimi amekuwa akifanya ili kuhakikisha kuwa ziara ya kukusanya data ni salama kwa wote wanaohusika na inafuata kanuni za kulinda usalama.



"Wani, nina furaha kusikia kwamba utakuwa ukitumia kanuni za kulinda usalama ili kuhakikisha usalama wa ziara ya ufuatiliaji. Nina hamu ya kupata maoni kuhusu kulinda usalama kuititia ufuatiliaji na kuelewa kama watu wanafahamu, na wanaridhika kutumia mbinu za kuripoti."

"Ndiyo, tunaeleza wazi kuhusu kujumuisha kulinda usalama katika mpango wa Ufuatiliaji, Tathmini na Ujifunzaji, hasa kwa ukusanyaji wa data. Ni vizuri kuona Mimi akifanya kazi nzuri kuhusu hili. Tunakaribia kuunda zana na tutajumuisha baadhi ya maswali mahususi ili kukusanya maoni kuhusu mbinu za kuripoti. Nitamjulisha Mimi na tunaweza kuanza."



"Inatia moyo kuona mtazamo ulio nao wa usimamizi Wani, jinsi unavyomtia moyo na kumuunga mkono Mimi katika maendeleo yake. Kuunda mazingira salama na jumuisha kwa wafanyakazi wetu ni muhimu sana kwa kuhakikisha desturi imara ya kulinda usalama."

Wani na Kakiye wanapounda zana za kukusanya data, orodha hii ya ukaguzi inapaswa kuwasaidia kuhakikisha kuwa zana zimeundwa kulingana na kanuni za kulinda usalama.

- **Unyeti:** Watahitaji kuhakikisha kuwa maswali yanafaa kitamaduni.
- **Usidhuru:** Watahitaji kuhakikisha kuwa maswali hayaleti madhara, aibu au kuwaumiza tena washiriki.

Hili litakuwa muhimu hasa kwa Wani anapobuni maswali ili kukusanya maoni kuhusu kulinda usalama na mbinu za kuripoti.

Hatua	
Zingatia ikiwa maswali unayouliza ni muhimu, na kwamba hayachunguzi maelezo ya kibinafsi na uzoefu, zaidi ya jinsi mshiriki anavyoridhika nayo. Hakikisha kanuni ya usidhuru inazingatiwa wakati wa kuunda maswali.	
Zana zinapaswa kuwa rahisi kuelewa na kusimamia ili kuepuka kuchanganyikiwa na kutolewana, jambo ambalo linaweza kuleta hatari kwa washiriki au wanaokusanya data.	
Epuka kuuliza habari za kibinafsi ambazo zinaweza kumfanya mtu huyo atambulike au kumweka hatarini.	
Fikiri kuhusu lugha unayotumia na uhakikishe kuwa inafaa kwa hadhira, epuka istilahi na maneno changamano ambayo yanaweza kuwaabisha, kuwadhuru au kuwatia kiwewe tena washiriki. Kwa maelezo zaidi tazama <u>maelezo ya jinsi ya kuzingatia lugha unapotafiti kuhusu SEAH na jinsi ya kutafiti SEAH kwa usalama.</u>	
Daima fanya majaribio ya awali ya vyombo ili kuhakikisha kuwa zinaeleweka na washiriki, zinasemwa kwa unyeti na hazisababishi dhiki	
Zingatia mahitaji ya kulinda usalama ya washiriki na unyeti wa suala wakati wa kubuni mtazamo, mbinu na zana zinazotumiwa kukusanya data.	
Buni taratibu za idhini ilioarifiwa.	

Wani na Mimi wameombwa na Kakiye kukusanya maoni kuhusu jinsi mifumo ya kuripoti kulinda usalama inavyofanya kazi. Watahitaji kuhakikisha wanaauliza maswali sahihi ili kukusanya habari inayohitajika.

Yafuatayo ni baadhi ya mambo ambayo Wani na Mimi watahitaji kujua ili kuelewa ikiwa mbinu za kuripoti zinafanya kazi na ni zenye ufanisi:

- Watu wanafahamu ni nini kinahitaji kuripotiwa?
- Watu wanafahamu kuwa taratibu zipo na jinsi ya kuzitumia?
- Watu wanaamini na wanajiamini kuwa ripoti itashughulikiwa?
- Wanajamii wameshirikishwa katika uundaji wa mbinu za kuripoti?
- Watu wana uwezekano gani wa kuripoti tukio?

- Ni ripoti ngapi zimepokelewa, ni asilimia ngapi zimeshughulikiwa?
- Kumekuwa na mafunzo ya kutosha kwa watu wanaonufaika kuhusu mbinu za kuripoti?
- Watu wamepata changamoto gani katika kuripoti na changamoto hizo zimeshughulikiwa?

Kidokezo muhimu:

Unaweza kutumia viashiria na kanuni za kulinda usalama ili kutambua vipengele ambavyo shirika au programu inahitaji kukusanya maoni kuhusu.

Ili kubaini ikiwa mbinu za kuripoti zinaelewaka vyema na ni bora, hapa kuna baadhi ya mifano ya maswali:

Kuripoti suala la kulinda usalama

Unafikiri watu katika jamii hii wanajua jinsi ya kuripoti tukio la kulinda usalama ambalo linaweza kutokea katika kliniki? Ndiyo, Hapana, Sina uhakika

- Iwapo umejibu ndiyo, tafadhali eleza ni wapi na jinsi gani wanawea kuripoti?
- Iwapo umejibu hapana, tafadhali eleza kwa nini wasifanye hivyo?

Hakikisha umefafanua maneno muhimu na washiriki ili uwe na uelewa wa pamoja, kwa mfano, kulinda usalama.

Uwezekano wa kuripoti

Je, mwanajamii ana uwezekano gani wa kuripoti tukio la kulinda usalama ikiwa analifahamu? 1 (Hakuna uwezekano kabisa) hadi 5 (Uwezekano mkubwa zaidi)

- Iwapo utajibu 5, tafadhali eleza kwa nini atawea kuripoti?
- Iwapo utajibu 1, tafadhali eleza kwa nini hataweza kuripoti?

Unapoandika maswali jaribu kuepuka kuuliza wazi kuhusu usoefu wa kibinagsi wa mtu.

Kujiamini katika kuitikia

Una uhakika gani kwamba ikiwa tukio litaripotiwa SHA itaitikia? Ninaamini sana, ninaamini, ninaamini kwa kiasi fulani, siamini sana.

Hii inaweza kutoa habari muhimu kuhusu ufanisi wa ushughulikiaji wa kisa.

Kumbuka: Maswali haya yanapaswa kuongozwa na kanuni za kulinda usalama na yanapaswa kuwa nyeti na yasiwe na madhara.

Kwa vidokezo zaidi kuhusu kutafiti SEAH kwa usalama tafadhali angalia Maelezo ya Jinsi-ya ya Kituo cha Rasilimali na Usaidizi; [jinsi ya kutafiti SEAH kwa usalama.](#)

Wani anapomalizia zana hizo, amemuuliza Mimi aanze kupanga mipango ya ukusanyaji wa data.

Kuna mambo muhimu ya kulinda usalama ya kuzingatia katika hatua hii.

	Mambo ya kuzingatia
Kukusanya data	<p>Eneo: Ukusanyaji wa data unapaswa kufanyika wapi ili kuruhusu usiri na ufikiaji salama? Watu wanapaswa kusafiri umbali gani ili kufika eneo hilo?</p> <p>Muda: Ukusanyaji wa data unapaswa kufanyika saa ngapi ili kuhakikisha kuwa washiriki wanaweza kusafiri na kushiriki kwa usalama? Muda huo utakatiza majukumu ya washiriki (kazi, malezi ya watoto)?</p> <p>Timu ya kukusanya data: Ni nani anapaswa kukusanya data ili kuhakikisha mazingira salama? Ninahitaji watu wa kufanya mahojiano wa jinsia moja? Itakuwa salama zaidi kuwa na timu za wakusanyaji wawili wa data?</p>

Usalama wa wafanyakazi na wakusanya data

Malazi: Maeneo ya malazi ni salama (milango inayoweza kufungwa, usiri, usalama)? Ni nani anahitaji kujua mahali ambapo watakaa?

Usafiri: Timu ya kukusanya data itasafiri vipi? Usafiri huu ni salama (usalama wa madereva, muda wa kusafiri)? Ni salama kwa mtu kusafiri pekee yake au wanapaswa kusalia katika vikundi?

Kuwasiliana: Unatarajia kuwasiliana mara ngapi na timu yako ya kukusanya data? Mikutano ya kutoa habari fupi ya kila siku pia inaacha nafasi ya mawasiliano ya ustawi?

"Timu ya SHA iko katika nafasi nzuri ya kunisaidia katika hili, ninapaswa kutuma orodha ya ukaguzi kwa Nyala."



"Halo Nyala, habari yako? Tunatazamia kukuona wewe na timu yako wiki ijayo. Kabla ya kuja, je, wewe na timu ya SHA mnaweza kuzingatia yafuatayo kwa majadiliano yetu na washiriki wa programu:

- Tutafanya majadiliano yetu na washiriki wa programu wapi? Unaweza kuhakikisha kuwa kuna eneo salama, na la kibinafsi kwa ajili ya mazungumzo haya?
- Tungependa pia kujua kutoka kwako ni nyakati gani zinfaa zaidi kuzungumza na kina mama ambao wanahuksika katika mradi huo.
- Wewe utapatikana ili kutusaidia kukusanya data endapo tunahitaji mwanamke mwengine kwenye timu kwani tunataka kuhakikisha kwamba wakati tunafanya mahojiano na kina mama na wanawake wengine haya yanafanywa na wewe au mimi, sisi kama wanawake.

Ninaweza kukutumia barua pepe ya orodha yetu ya ukaguzi ikiwa hiyo inasaidia kufupisha pointi hizi?"

"Habari Mimi, Ninafurahi kusikia kutoka kwako. Tumekuwa tukipanga kuhusu ziara yako na tutahakikisha tumepata eneo la kibinafsi na salama kwa mazungumzo haya. Nitakuwa hapo kwa muda wote na nitafurahi kufanya kazi na wewe kwa ukusanyaji wa data.



Nitazungumza na Abu na Precious kuhusu muda wa mikutano na kuwasiliana na wewe tena. Shukrani kwa kutuma orodha hiyo ya ukaguzi.

Tuonane wiki ijayo."

Shughuli ya 1.3

Ili kukusaidia kukumbuka kile timu ya SHA inahitaji kuzingatia kabla ya ziara ya shirika la FHF, tambua ni eneo gani linahakikisha vizuri zaidi usiri na usalama wa washiriki.

Ni eneo gani linahakikisha vizuri zaidi usiri na usalama wa washiriki?

1. Chini ya kivuli cha mti nje ya kliniki
2. Katika chumba cha uchunguzi kisichotumiwa, kilichotengwa na pazia kutoka kwa eneo la kusubiri katika kliniki
3. Katika nafasi ya ofisi ambayo ina dirisha na mlango ambao unaweza kufungwa, lakini ina joto sana na kuna vifaa vya matibabu vinavyoweza kufikiwa
4. Katika eneo la mkutano wa jamii lililowekwa mbali na kliniki, lenye mlango wa kibinafsi na ufikiaji salama.
5. Chumba cha kusubiri kilichounganishwa na kliniki, chenye mlango wa kibinafsi, na njia panda


[Bonyeza hapa kuangalia jibu lako](#)

Ufuatiliaji, Utathmini na Ujifunzaji salama unavyofanya kazi

Sehemu ya 2:

Wani na Mimi sasa wamekamilisha mipango ya ziara yao ya kukusanya data. Wamekamilisha orodha yao ya ukaguzi wa kulinda usalama na wameandaa zana na vifaa. Sasa tutawafuata wanapoanza kuingiliana na washiriki wa programu na kukusanya maoni.

Katika sehemu ya pili ya moduli, utajifunza jinsi ya kusimamia na kukusanya data kwa usalama, jinsi ya kushughulikia mada nyeti na jinsi ya kukusanya maoni juu ya kulinda usalama. Utajifunza pia jinsi ya kutambua na kuitikia hatari za kulinda usalama zilizotambuliwa kupitia maoni na ukusanyaji wa data.



Wani na Mimi wanatasiri kuelekea SHA na kukutana na wanachama wa timu husika kwa utambulisho na mkuiano mfupi wa kupewa maelezo. Wana ratiba yenye shughuli nyingi na watahitaji msaada na utegemezo wa SHA.

Ni muhimu wakati wote kuwa na makubaliano ya ajenda kabla ya mikutano hii ili kusaidia maandalizi na matarajio.

Ifuatayo ni ajenda iliyopendekezwa ambayo unaweza kutumia:

Ajenda ya mkutano wa kutoa maelezo wa shirika la FHF na SHA	
Utambulisho	Waombe timu wajitambulisha wenyewe na jukumu lao katika shirika, kunaweza kuwa na watu waliopo ambao wewe hujakutana nao. Hakikisha unajitambulisha kwa kila mtu anayefanya kazi katika ofisi, sio tu wale unaokutana nao.
Kukagua ratiba ya kukusanya data	Shughuli zote zimepangwa na muda wa kutosha unaotolewa kwa kila moja yake?
Kukagua zana za kukusanya data na maswali	Zana hizi zinahitaji kubadilishwa kwa makundi haya na muktadha? Ni mabadiliko gani, ikiwa kunayo, unaweza kupendekeza?
Kukagua tathmini ya hatari	Hatari zote zinazoweza kutokea zimetambuliwa? Kuna changamoto zozote mpya au za ziada za kimuktadha au hatari ambazo zinaweza kutokea ambazo timu inapaswa kujua?
Kukagua njia za rufaa na mbinu za kuripoti kuhusu kulinda usalama	Kila mtu anafahamu mchakato huo?
Kuthibitisha majukumu na wajibu wakati wa ziara	Kuna marekebisho yoyote yanayohitajika ili kuhakikisha watu wenye ulemavu wanaweza kufikia shughuli hii na kushiriki kikamilifu? Kuna haja ya kutafsiri? kuchukua dondo? usafiri? viburudisho?
Muda wa kutoa maelezo mafupi na ushiriki	Kutakuwa na fursa ya kutoa maoni kwa jamii kufuatia ziara ile?

"Vizuri sana Nyala na Abu. Kwa hivyo,
mimi nitafanya mahojiano na
wanawake na Wani atazungumza na
wanaume. Nyala, utaungana nami
kusaidia katika mahojiano?"



Tafakari

Wakati wa mukutano wa kutoa maelezo mafupi Mimi anapendekeza kwamba awahoji wanajamii wa kike na Wani awahoji wanajamii wa kiume na washikadau wengine. Kwa nini hii ni muhimu katika kulinda usalama?

[Bonyeza hapa kuangalia jibu lako](#)



Hivi kazi ya Ufutiliaji, Tathmini na Ujifunzaji inapoanza, Wani na Mimi wanajiunga tena na timu ya SHA kuanza shughuli zao za kukusanya data. Wani amepewa jukumu la kufanya mahojiano na wanajamii, viongozi wa mitaa na wawakilishi wa serikali. Nyala amepewa jukumu la kufanya kazi na Mimi ili kuwezesha majadiliano ya makundi yanayolengwa na wanawake wanaotumia huduma hii na washiriki wa programu. Hii ni kuhakikisha kuwa wahojiwa ni wa jinsia sawa na washiriki.

Kumbuka:

Ni muhimu kuzingatia tofauti za kimamlaka kati ya mhoji na mhojiwa na jinsi ngono, jinsia, umri, ukabila, rangi, eneo la kijiografia, na elimu vinaweza vyote kuchangia katika hilo.

Mambo ya kuzingatia wakati wa kuamua kuhusu kuendesha majadiliano ya Makundi Yanayolengwa na Mahojiano:

Mahojiano	Majadiliano ya Makundi Yanayolengwa
Ina usiri, inaweza kuwa na manufaa ikiwa unajadili mada nyeti au ya kibinagsi.	Kikundi cha watu wenye nia sawa wanaweza kuwafanya washiriki kujihisi vizuri zaidi na kuwa wazi.
Inaweza kuwa bora kwa kutambua mahitaji ya mtu binafsi au maoni.	Inaweza kuwa nzuri kwa kikundi kutafakari au kuchunguza kanuni pana.
Majadiliano yanaweza kulengwa kwa mshiriki.	Hutoa fursa zaidi ya kujumuisha kukusanya taarifa katika shughuli.
Inaruhusu washiriki ambao hawana ujasiri katika makundi kuchangia	Kwa ujumla ni ghali zaidi kuendesha kuliko mahojiano.

Mimi na Nyala wananza kukusanya data kwa wanawake katika nafasi ya mukutano ya jamii iliyowekwa mbali na kliniki, yenyne mlango wa kibinagsi na ufikiaji salama. Mkutano huo unafanyika katikati ya asubuhi ili kuhakikisha kunakuwa na usumbufu mdogo kwa majukumu ya kazi za wanawake hao, na kuwaruhusu kusafiri salama kwenda kwenye mukutano huo. Mkutano huo wa majadiliano umehudhuriwa na wanawake nane.

Kwa habari zaidi kuhusu tofauti za kimamlaka tafadhali angalia bidhaa za Kituo cha Rasilimali na Usaidizi:

Maswali na Majibu ya Matumizi mabaya ya Mamlaka: kuchunguza visababishi vikuu na masuala ya kulinda usalama - mamlaka, nafasi bora, jinsia na muingiliano

Visababishi Vikuu vya Unyonyaji wa Kingono, Dhuluma na Unyanyasaji wa Kingono (SEAH)

Ufahamu wa Ushahidi: Kuchunguza visababishi vikuu vya unyonyaji wa kingono, dhuluma na unyanyasaji wa kingono (SEAH)

Kidokezo Muhimu:

Idadi bora ya washiriki katika majadiliano ya kikundi kinacholengwa ni kati ya watano na nane. Kuwa na idadi zaidi ya hii inaweza kupunguza muda kwa kila mtu kuzungumza, lakini wachache wanawea kufanya



mazungumzo kuwa magumu.

Kabla ya kuzindua maswali maalum kuhusu mradi huo, Mimi na Nyala wanajitambulisha na kufafanua mchakato wa kukusanya data. Wanaelezea jinsi habari ambayo wanawake hawa wanashiriki nao itatumika. Wanahakikisha wanawake wote wanaelewa utaratibu wa idhini iliyoarifiwa na kuwaomba wathibitishe kuwa wanafurahia kuendelea.

Kumbuka:

Iwapo watu hawawezi kutia sahihi kwenye fomu ya idhini iliyoarifiwa unaweza kupata idhini ya maneno lakini ni muhimu kwamba uthibitishe uelewa wa kila mtu kuhusu taratibu za idhini na nia yao ya kuendelea. Wanaweza pia kutia sahihi idhini yao kwenye karatasi za kutia sahihi wanapoingia ikiwa huwezi kupata nakala za fomu ya idhini.

Baada ya utambulisho na kufafanua mchakato wa idhini, Mimi anawauliza washiriki swali la kuwachangamsha kuhusu safari yao ya kufika kwenye mkutano na walichokuwa wakifanya kabla kuianza. Swali hili linasaidia kuele wahisnia za watu wanapowasili mahali pale na kusaidia kikundi kufahamu kidogo kuhusu kila mmoja wao kabla ya kushiriki uzoefu wao wa mradi.



"Ni vyema kuwa na nyinyi wote hapa kuzungumza nasi kuhusu uzoefu wenu wa kutumia kliniki. Kabla hatujaanza, itakuwa vyema kusikia kutoka kwa kila mmoja wenu kuhusu jinsi mlivyofika hapa leo na umbali ambao ulilazimika kusafiri. Kwa upande wangu, nilisafiri kutoka jiji kuu kwa gari hapo jana, pamoja na mwenzangu. Ilituchukua kama saa tano, na nilihisi mchovu sana nilipofika."

"Vyema, baadhi yenu wanaweza kunijua, mimi ni Nyala, na ninafanya kazi katika mradi wa SHA. Sikulazimika kusafiri mbali sana leo. Ninaishi umbali wa dakika 40 tu na nilitembea ili kufika hapa asubuhi ya leo, sawa na kila asubuhi. Nimetoka ofisini asubuhi ya leo ambapo nilikuwa nikiangalia baadhi ya mahojiano ambayo mwenzetu kutoka shirika la FHF alifanya na kamati ya afya ya jamii."



Kidokezo Muhimu:

Kukuza urafiki na kuunda nafasi salama na ya kukaribisha ni sehemu muhimu ya mchakato wa mahojiano.

Baada ya wanawake kushiriki habari za jumla. Mimi na Nyala wanaanza kuwauliza wanawake maswali kuhusu uzoefu wao wa kutumia kliniki.



"Unaweza kutuambia jinsi uzoefu wako wa kuja kliniki ulivyo? Unajisikia kukaribishwa vipi unapokuja kliniki? Wafanyakazi katika eneo la mapokezi wanawapokea kwa njia ya kirafiki?"

"Siku zote ninahisi kukaribishwa, wafanyakazi wa eneo la mapokezi wakati wote huwa wa msaada na wana heshima. Daima ni ya kupendeza. Jambo tata pekee ni kwamba daima huwa ninaulizwa kuandikisha jina langu na nambari yangu ya simu kwa mlinzi wa lango na sifahamu ni kwa nini. Nimegundua kuwa wanaweka kitabu kilichojaa majina na nambari kwenye dirisha lao lililo wazi. Sipendi kuwa watu wengine wanaweza kuona jina na nambari yangu kwa urahisi." - Mshiriki wa 1

"Asante kwa kushiriki hilo. Hiyo inaonekana kama inaweza kuwa jambo la kukufadhaisha kupata kuwa habari yako ya kibinagsi inaweza kufikika kwa njia hii. Kuna mtu mwengine yeyote aliyepitia hili?"



"Ndiyo, hilo lilinitokea pia, lakini sikufikiria lolote kulihusu wakati huo, lakini sasa unasema hivyo inanifanya niwe na wasiwasi pia."

- Mshiriki wa 2

Binti yangu alienda kwenye kliniki na mtoto wake na akanieleza vivyo hivyo, ilibidi apeane nambari yangu kwa kuwa hana simu. Sikufurahishwa na hilo, haswa sasa nikufahamu kuwa ipo karibu na dirisha lililo wazi - Mshiriki wa 3



"Asante kwa kutuambia hivyo. Iwapo ni SAWA na nyinyi, tutazungumza na wafanyakazi wa kliniki kuhusu hili na kuwafanya wahifadhi vitabu hivyo vya kutia sahihi wakati wa kuingia kwa usalama, au kuona kama kuna njia nyingine wanayoweza kuwatambua. Hatutawatambulisha kibinafsi katika maoni haya, lakini ni muhimu tuwafahamishe. Unapendezwa na sisi kufanya hivyo? Tutahakikisha kuwa kuna mtu atakayewajibu kuhusu kitakachotokea baadaye."

Baada ya mazungumzo na wanawake hao kukamilika, Mimi na Nyala wanajadili kwa pamoja suala la wao kutakiwa kutoa majina na nambari zao kwenye lango la usalama, na hayo kurekodiwa kwenye vitabu vilivyokuwa vimezagaa.



"Ulfikiria nini kuhusu taarifa iliyoshirikiwa kuhusu mlinzi kuchukua taarifa hizo? Ninadhani hii inaleta hatari ya kulinda usalama ambayo tutahitaji kuripoti. Labda nizungumze na Achol kuhusu hili, kama mratibu wa kulinda usalama wa FHF."

"Ndiyo, hili ni jambo la kubabaisha kidogo. Ninakubali kuwa tunapaswa kuripoti hili. Tunapaswa pia kuzungumzia hili na Victor kama mratibu wa Kulinda usalama wa SHA."





"Je, mradi wa SHA una **fomu ya kuripoti matukio ya kulinda usalama**? Una nakala zozote za hizo hapa ulipo?"

Fomu za Kuripoti Matukio ya Kulinda usalama

- Fomu ya kuripoti tukio la kulinda usalama hutumiwa na wafanyakazi na watu wanaojitolea kuripoti kero ya kulinda usalama. Fomu hiyo inapaswa kujumuisha habari ya ukweli kuhusu kero na ijazwe mara moja kufuatia kero hiyo kuibuliwa au kutambuliwa.
- Fomu hiyo inapaswa kushirikiwa na mratibu wa kulinda usalama aliyeteuliwa ambaye ataamua ikiwa hatua yoyote zaidi inahitajika.

Mfano wa Fomu ya Kuripoti Matukio ya Kulinda usalama.

"Ndiyo, ninazo fomu hizo kwenye mfuko wangu. Kila mara mimi huzibeba wakati wa ziara za programu.

Ilikuwa ni wasiwasi kwamba wanawake wengine walihisi hivi pia. Labda tuwaweza kuuliza watu zaidi kuhusu hili ili kuona kama ni jambo la kawaida kwa watu wengi."



"Ndiyo, hilo linasikika kama wazo zuri, lakini labda tunapaswa kuwasiliana na Victor na Achol kuhusu maswali tunayopaswa kuuliza ili tusije kwa bahati mbaya tukaifanya kuwa mbaya zaidi au kuweka watu hatarini."

Tafakari

Unakubaliana na Mimi na Nyala kwamba hii ni kero? Kwa nini?

[Bonyeza hapa kuangalia jibu lako](#)

Shughuli ya 2.1

Ninahisi kukaribishwa, wafanyakazi katika eneo la mapokezi wakati wote huwa wa msaada na wana heshima. Daima ni ya kupendeza. Daima huwa ninaulizwa kuandikisha jina langu na nambari yangu ya simu kwa mlinzi wa lango na sifahamu ni kwa nini. Nimegundua kuwa wanaweka kitabu kilichojaa majina na nambari kwenye dirisha lao lililo wazi. Sipendi kuwa watu wengine wanaweza kuona jina na nambari yangu kwa urahisi.

Mshiriki wa Kikundi Kinacholengwa

Tambua hatari zinazoweza kutokea za kulinda usalama kutoka kwenye taarifa iliyoshirikiwa na wanawake katika kikundi kinacholengwa. Chagua yote yanayohusika:

1. Walinzi wanaweza kuwasiliana na mwanamke huyo bila idhini yake, na huenda wakamnyanyasa.
2. Nyumba ya mwanamke huyu inaweza kuibiwa.
3. Mlinzi anaweza kuwa katika hatari ya kukiuka faragha, au kanuni za maadili kwa kushikilia habari hii kwa njia isiyofaa.
4. Mume wa mwanamke huyo, au familia, wanaweza kugundua kuwa mwanamke huyu anahudhuria kliniki, bila ruhusa na anaweza kuwa katika hatari ya ukatili.
5. Mwanamke huyu anaweza kupigiwa simu kwa njia isiyofaa na mtu ambaye ameona nambari yake.
6. Mwanamke huyo anaweza kupewa dawa zisizo sahihi.

[Bonyeza hapa kuangalia jibu lako](#)

Baada ya majadiliano yao, Mimi na Nyala wanazungumza na Victor na Achol kama waratibu wa kulinda usalama wa shirika la FHF na SHA.



"Mulikuwa sahihi kuleta kero hii kwetu. Kwa vile hii ni hatari ya kulinda usalama na siyo ripoti rasmi hatuhitaji kufanya uchunguzi lakini itakuwa muhimu kupata habari zaidi kidogo kuhusu jinsi gani hii tabia inayokera imeenea. Ninakubali itakuwa vyema kujua ikiwa watumiaji wengine wa huduma wanakumbana na hali sawa na hiyo. Itakuwa muhimu kuuliza maswali haya kwa kuzingatia unyeti, kwani ninajua una uzoefu mkubwa wa kufanya hivyo. Nijulishe ikiwa ninaweza kusaidia zaidi la sivyo tafadhali nisasishe baada ya mazungumzo yako na tunaweza kujadili hatua zitakazofuata."



"Asante Nyala na Mimi kwa kuchukua hatua haraka kuhusu habari hii. Si utaratibu mzuri kuweka majina na nambari hizi kwa njia inayoonekana na hii ni kwenda kinyume na kanuni yetu ya maadili. Tutahitaji kufuatilia kliniki kuhusu hili ili kubaini ni kwa nini walinzi wanakusanya habari hizi na pengine kutoa mafunzo ya kuwakumbusha wafanyakazi wote kuhusu itifaki zetu za kulinda usalama, ikijumuisha kulinda na kuhifadhi data kwa usalama na majukumu na wajibu wetu. Unapokuwa na habari zaidi kuhusu hili tafadhali hakikisha unashiriki nami ili niweze kuieleza kwa timu ya usimamizi na bodi yetu kama sehemu ya ukaguzi wetu wa rejista ya hatari."

Wani, Mimi na Nyala sasa wanahitaji kufikiria kuhusu maswali mahususi wanayoweza kuuliza katika mahojiano yanayofuata ili kujua kama watumiaji wengine wa huduma wanatoa majina na nambari zao za simu kwa njia hii, na kama kuna watu wamewahi kuwasiliana nao. Victor pia atafuatilia ili kuhakikisha kuwa hakuna mtu ambaye amepigwa simu kwa njia isiyofaa.

Mimi na Nyala wanapanga mazungumzo ya kutoa maelezo mafupi na Wani kuhusu jinsi mahojiano na mijadala ya makundi yanayolengwa inavyoendelea.

1

Hii ni fursa kwa timu ya kukusanya data kutafakari kuhusu kile wanachojifunza, na kuzingatia ikiwa wanahitaji kurekebisha maswali yao yoyote, au kujaribu kutafuta mahojiano ya ziada.

2

Inawapa fursa ya kujadili changamoto au masuala yoyote yanayoleta kero.

3

Hii pia ni kipengele muhimu cha ustawi wa mtafiti na kujijali. Ni muhimu sana kuhakikisha kuwa timu inaungwa mkono na kupewa nafasi ya kuibua na kujadili masuala ambayo yanaweza kuwa yamezuka ambayo yanaweza kuwa ya kutatiza au magumu kusikilizwa.

4

Pia ni nafasi muhimu ya kutafakari sauti za washiriki na kuhakikisha zinasikika na kunaswa katika uchambuzi.

Mambo ya kuzingatia unapotayarisha na kuuliza maswali ambayo yanaweza kuwa nyeti au ya kibinagsi:

1

Uwe mwenye huruma na wa kutohukumu

2

Zingatia ukweli.

3

Tumia maswali ya wazi, epuka maswali yoyote yanayoongoza.

4

Eleza sheria za faragha na ni wapi zinaweza kukiukwa ikiwa kuna sababu ya kero.

5

Chukua muda wa kusikiliza na kuelewa kero za watu

6

Zingatia manufaa ya mahojiano badala ya makundi yanayolengwa wakati wa kuuliza habari nyeti

Shughuli ya 2.2

Ni maswali gani unafikiri yanafaa kuulizwa wanawake kuhusu uzoefu wao wa usiri na faragha ya data katika majadiliano yanayofuata ya kikundi kinacholengwa?

1. Ni habari gani inakusanywa kutoka kwako unapofika kwenye kliniki?
2. Ni nani aliyekuuliza kutoa habari hiyo?
3. Umewahi kuuliza ni kwa nini wanahitaji habari yako?
4. Je, unafahamu jinsi data yako inahifadhiwa na jinsi inavyotumiwa?
5. Unahisi vipi kuhusu habari yako kuhifadhiwa kwa njia hii?
6. Ni kwa nini uliwapa nambari yako?

[Bonyeza hapa kuangalia jibu lako](#)

Siku iliyofuata Mimi na Nyala wanazungumza na vikundi viwili zaidi vya wanawake wanaotumia huduma ambao wametumia kliniki.



"Kliniki ni mahali pa kukaribisha sana,
lakini nilifikiri ni jambo la ajabu
kulazimika kutoa maelezo ya kibinafsi
baada ya kufika langoni, na kisha tena
kwenye eneo la mapokezi."

"Ndiyo, nilipata tukio sawa na hilo la
mlinzi kuchukua jina langu na nambari
yangu ya simu bila kuelezea anahitaji ya
nini"



Mwishoni mwa majadiliano ya mwisho na kikundi Mimi na Nyala wamekamilisha ukusanyaji wao wa data.

Kutambua hatari ya kulinda usalama

Kufuatia majadiliano ya makundi yanayolengwa, Mimi na Nyala wana uhakika kwamba wametambua **hatari ya kulinda usalama** kuhusiana na jinsi data ya kibinafsi imekuwa ikikusanywa kutoka kwa wanawake wanaohuduria kliniki, kwa nini ilikusanywa katika maeneo mawili tofauti na kwamba haikuhifadhiwa kwa njia salama au kwa usalama. Wanawake pia hawakufahamishwa katika hatua yoyote ni kwa nini habari hii ilihitajika na jinsi ingetumiwa.



"Mimi na Nyala tumetambua hatari ya kulinda usalama inayokera, na uwezekano wa ukiukaji wa sera ya kulinda usalama kuhusiana na ulinzi wa data, idhini na kanuni ya maadili. Tunahitaji kujadili hili na timu ya SHA tunapokuwa na mkutano wa kutoa maelezo mafupi."

"Hilo linaonekana kuwa linakera, na hakika ni jambo ambalo tunahitaji kujadili na timu. Itakuwa muhimu kujua kama yejote kati ya wanawake hawa amepigiwa simu kwa njia isiyofaa au habari yao kutumika kwa madhumuni yasiyofaa au yasiyohusiana."




Abu, Victor, Precious na Nyala wanakusanyika pamoja na Wani na Mimi kwa ajili ya mazungumzo ya kumaliza matembezi.



"Mimi na Nyala tulizungumza na vikundi vitatu vyatya wanawake na wengi wao waliripoti kwamba walitakiwa kutoa majina na nambari zao kwa walinzi kwenye langoo, pamoja na kwenye eneo la mapokezi. Hawakujua ni kwa nini habari hii ilihitajika, na waliripoti kwamba vitabu walivyoandikishwa langoni viliachwa wazi, na havikufungiwa au kupelekwa kwenye kliniki."

"Je, mradi wa SHA una sera kuhusu ni nani anayepaswa kukusanya habari, jinsi data inavyopatikana na kuhifadhiwa kwa usalama na ikiwa hilo linawasilishwa kwa wafanyakazi wote, au mafunzo yanatolewa?"



"Ndiyo, tunayo sera na kanuni ya maadili ambayo wafanyakazi wote hutia sahihi. Lakini hatujafanya mafunzo yoyote ya ukumbusho kuhusu hili kwa muda, na sidhani kama tumejumuisha walinzi katika mafunzo haya. Victor na Nyala, labda tupange mafunzo mengine kwa wafanyakazi wote na watu wa kujitolea ili kupitia sera hizi tena."

"Pia tuliahidi kuwa tutawapa wanawake hawa maoni kuhusu jinsi tulivyokuwa tukishughulikia kero zao. Je, hili ni jambo ambalo Victor na Nyala wanaweza kufanya?

Labda unaweza pia kuhakikisha kuwa hakuna hata mmoja wao ambaye amepigiwa simu kwa njia isiyofaa?"



Kufuatia mkutano huo, hatua kadhaa zilikubaliwa:

1

Kupanga mafunzo ya ukumbusho kwa wafanyakazi wote, ikijumuisha walinzi kuhusu Kanuni ya Maadili na sera ya kulinda usalama, ikijumuisha ulinzi wa data.

2

Kupanga kipindi cha kutoa maoni kwa wanawake walioshiriki katika mijadala ya makundi yaliyolengwa ili kuwasasisha kuhusu jinsi matatizo yao yanashughulikiwa.

3

Precious atajadili suala hili na wafanyakazi wote wa kliniki ili kuhakikisha wanaelewa hatari zinazohusiana na zoezi hili.

Baada ya mkutano wa kutoa maelezo mafupi pamoja na Victor na Nyala, kutoka mradi wa SHA, watafanya ufuatiliaji wa wanawake kutoka kwa kikundi kilicholengwa walioripoti suala hili la ulinzi wa data.

Kufuatia majadiliano hayo Victor na Nyala wanawahakikishia timu za SHA na FHF kuwa baada ya kuwafuatilia wanawake hao, hakuna hata mmoja wao ambaye amepigiwa simu kwa njia isiyofaa kufuatia kutoa majina na nambari zao kwa walinzi na habari hiyo kuweza kupatikana.

Hakuna haja ya kuripoti hili kama tukio la kulinda usalama lakini hatua zinahitaji kuwekwa ili kuhakikisha kuwa halitokei tena, kwani ni wazi kuwa hii ni hatari.

Kumbuka:

- Hatari za kulinda usalama mara nyingi hugunduliwa wakati wa shughuli za ufuatiliaji wa mara kwa mara, na hii ni muhimu kwani hutoa fursa ya kuweka hatua za kupunguza kabla ya tukio lolote kutokea.
- Kuzungumza moja kwa moja na watu wanaonufaika na kupata imaniyao ni muhimu ili kuhakikisha habari muhimu inashirikiwa.
- Shughuli za ufuatiliaji na tathmini zinahitaji kuzingatia viwango vyta kulinda usalama kwa njia sawa na shughuli zingine za programu, na zinaweza kutoa kazi muhimu ya kuhakikisha viwango hivi vinatimizwa ndani ya programu.

Wani na Mimi wanarudi kwenye ofisi ya shirika la FHF baada ya ziara yao katika mradi wa SHA



"Sasa kwa kuwa tumerudi tunahitaji kuhifadhi data zetu zote kwa usalama hadi tutakopofanya uchambuzi. Nina maelezo yangu kwenye kipakatalishi changu, na baadhi ya rekodi kwenye simu yangu. Ninapaswa kufanya nini nazo, Wani?"

"Utahitaji kuweka rekodi zote kwenye kipakatalishi chako na kuweka nenosiri ili kuzilinda. Mara baada ya kuandika ripoti utahitaji kufuta rekodi hizo kutoka kwenye kompyuta. Lakini kwa sasa unahitaji kuhakikisha kuwa unaziondoa kwenye simu yako. Ni bora usiweke majina ya mtu ye yeyote ikiwa uliyaandika. Tunaweza kumpa kila mtu nambari ya kipekee ya kumtambulisha."






Kumbuka Ulinzi wa data:

Wani na Mimi wamesafisha na kuhifadhi kwa usalama seti yao ya data tayari kwa uchambuzi:

- ✓ Majina na taarifa nyingine za kutambua zimeondolewa
- ✓ Vitambulisho vya kipekee vimetumiwa
- ✓ Rekodi zote kwenye simu zilihamishwa kwenye kipakatalishi cha kampuni
- ✓ Data zote zimehifadhiwa katika faili zinazolindwa kutumia nenosiri

Mara tu data inapokuwa imehifadhiwa salama, Wani na Mimi wanatafakari kuhusu uzoefu wao.



"Ni nini maoni yako kuhusu mradi wa SHA na programu hii?"



"Wanafanya kazi nzuri sana, na wameweka sera nyingi za kulinda usalama, lakini utekelezaji wa sera hizi haufanywi kikamilifu kila wakati, sidhani."



"Ndiyo, ninakubali. Kuna msaada zaidi ambao shirika la FHF linaweza kuwapa ninafikiri. Tunapaswa kujadili hili na Okello na Nyamer. Kakiye pia alitaka tutoe maoni kuhusu matokeo yetu."



"Kwa nini tusipendekeze kwa Kakiye kwamba tufanye kikao cha kujifunza katika mkutano wa wafanyakazi wiki ijayo ili kutoa maoni na kutafakari juu ya ziara yetu. Nitafurahia kuandaa wasilisho ambalo nitashiriki."



"Hilo ni wazo zuri Mimi. Ninafikiri kila mtu atafaidika na hili. Shukrani kwa ajili ya kuchukua hatua hii."

Kujifunza na kutafakari kwa programu salama

Sehemu ya 3:

Wani na Mimi sasa wamekamilisha kusafisha data na kuanza uchambuzi. Utifuata timu ya Ufutiliaji, Utathmini na Ujifunzaji wakati wanajiandaa kuwasilisha matokeo kutoka kwa ukusanyaji wa data katika warsha ya mafunzo. Na ujiunge na timu ya FHF na SHA wanapotafakari kuhusu maoni yaliyokusanya juu ya kulinda usalama. Katika sehemu ya tatu ya moduli hii utajifunza jinsi ya kuijandaa kwa warsha ya kujifunza, jinsi ya kushughulikia matokeo nyeti na jinsi programu au shirika linapaswa kurekebisha michakato ya kulinda usalama kulingana na mafunzo au maoni kutoka kwa shughuli za kukusanya data.

Tukirejelea shirika la FHF, Wani, Mimi na Kakiye wana mazungumzo kuhusu jinsi ya kushiriki maoni. Wani anapendekeza kutumia mukutano wa wafanyakazi kama warsha ya kujifunza. Kakiye anakubali kuwa ni wazo nzuri.

"Ni muhimu kwamba wafanyakazi wote wanatafakari na kujifunza kuhusu programu na kulinda usalama. Maoni uliyokusanya kuhusu hatua zetu za kulinda usalama, hasa kuhusu kuripoti, itakuwa muhimu sana katika tafakari hii. Tafadhali mhusishe Achol kadiri unavyoendelea."



Mimi, kama afisa wa Ufutiliaji, Tathmini na Ujifunzaji, sasa atahitaji kuchambua data na kuwasilisha maoni ya mafunzo ya programu na kulinda usalama.

Kumbuka:

Data imesafishwa tayari ili kuhakikisha faragha ya washiriki. Uchambuzi salama unaweza kuanza.

**Mimi anachambua maoni yaliyopokelewa, kuna data ya ubora na ya kiasi.
Anashiriki baadhi ya matokeo yake hapa chini:**

- Asilimia 94 ya wafanyakazi wa kliniki na asilimia 67 ya wanawake wanaotumia huduma waliripoti kwamba ikiwa tukio litaonekana huenda likaripotiwa.
- Asilimia 90 ya wafanyakazi wa kliniki na asilimia 71 ya wanawake wanaotumia huduma waliripoti kufahamu jinsi ya kuripoti tukio.
- Baadhi ya wanawake wanaotumia huduma hawana ujasiri wa kuripoti kwa sababu hawana uelewa kamili wa kile kinachopaswa kuripotiwa.
- Wafanyakazi walihisi kuwa na uhakika kwamba ripoti ya kulinda usalama itashughulikiwa. Wanawake wanaotumia huduma hawakuwa na uhakika.
- Katika Majadiliano ya Makundi Yanayolengwa, wanawake wanaotumia huduma walishiriki kuwa katika siku za nyuma wakati matukio yameripotiwa kwa polisi wa eneo hilo matukio hayo hayajachukuliwa hatua na imani yao ni ndogo kwa sababu ya hili.

Kumbuka:

Changamoto za utoaji wa habari kwa kiwango cha chini zinatajwa vizuri katika sekta hiyo. Kuna mambo mengi yanayoelekeza hili ikijumuisha: ukosefu wa ujuzi wa kile kinachojumuishwa katika SEAH, ukosefu wa ufahamu wa mbinu za kuripoti, ukosefu wa imani katika mamlaka au mashirika ya kukabiliana na matukio, unyanyapaa unaohusishwa na SEAH na jinsia.

Angalia Ulaguzi wa Kimataifa wa Ushahidi wa Kituo cha Rasilimali na Usaidizi kwa habari zaidi kuhusu viwango

vya chini vya kuripoti.

"Baadhi ya matokeo haya yanaweza kuwa nyeti.

Ninapaswa kuzungumza na Wani jinsi ya
kuwasilisha haya."



Kidokezo: Ikiwa data na utafiti wako unashughulikia masuala nyeti, kama vile SEAH, utahitaji kuwa mwangalifu hasa kuhusu jinsi unavyoshiriki matokeo hayo. Miongozo yako ya ulinzi wa data na usiri inapaswa kutumika kusaidia maamuzi yako kuhusu kile ambacho ni salama, au kisicho salama, kushirikiwa. Hii ni lazima izingatiwe wakati wa kuunda tathmini yako ya hatari na kupunguza hatari hizi.

Jinsi ya kutambua matokeo yenyewe uwezekano wa kuwa nyeti na kuyashiriki ipasavyo

Ni muhimu kuzingatia maswali yafuatayo:

1

Je, kushiriki matokeo haya kunaweza kumuweka mtu ye yeyote katika hatari ya madhara?

2

Je, kushiriki matokeo haya kunaweza kusababisha aibu au kuwaumiza tena manusura?

3

Je, ulipata idhini iliyoarifiwa ya kushiriki matokeo haya?

Shughuli ya 3.1

Ukiangalia matokeo hapa chini, ni yapi yana uwezo mkubwa wa kusababisha madhara au kuweka watu katika hatari?

1. Asilimia 94 ya wafanyakazi wa kliniki na asilimia 67 ya wanawake wanaotumia huduma waliripoti kwamba ikiwa tukio lilionekana linaweza kuripotiwa.

2. Asilimia 90 ya wafanyakazi wa kliniki na asilimia 71 ya wanawake wanaotumia huduma waliripoti kujua jinsi ya kuripoti tukio na wanaweza kuelezea kwa usahihi.
3. Baadhi ya wanawake wanaotumia huduma hawana ujasiri wa kuripoti kwa sababu hawana uelewa kamili wa kile kinachopaswa kuripotiwa.
4. Wafanyakazi walihisi kuwa na uhakika kwamba ripoti ya kulinda usalama itashughulikiwa. Wanawake wanaotumia huduma hawakuwa na uhakika.
5. Katika Majadiliano ya Makundi Yanayolengwa, wanawake wanaotumia huduma walishiriki kuwa katika siku za nyuma wakati matukio yameripotiwa kwa polisi wa eneo hilo matukio hayo hayajachukuliwa hatua na hivyo awana imani na polisi.

Bonyeza hapa kuangalia jibu lako

Wakati wa mukutano kati ya Mimi na Wani, anauliza ushauri wake kuhusu jinsi anaweza kushiriki baadhi ya matokeo nyeti zaidi.



"Habari Wani. Nimeendesha uchambuzi wa data tuliyokusanya. Kuna matokeo chanya ambayo yanaonyesha ufahamu wa wafanyakazi wa kliniki na uelewa wa kuripoti ni wa juu kabisa, hata hivyo pia kuna matokeo ambayo yanaonyesha maeneo yanayohitaji kuboreshwa.

Kuna tokeo moja ambalo nilitaka kukuuliza, ninafikiri tokeo hili linaweza kuleta mivutano au kusababisha madhara ikiwa litashirikiwa nje. Wewe unafikiria nini?"

Katika Majadiliano ya Makundi Yanayolengwa, wanajamii walishiriki kuwa katika siku za nyuma wakati matukio yameripotiwa kwa polisi wa eneo hilo matukio hayo hayajachukuliwa hatua na imani yao ni ndogo kwa sababu ya hili.

"Asante kwa kunifahamisha hili Mimi, ninaona ni kwa nini hili linaweza kuwa nyeti. Ningependekeza kwamba tushiriki habari hii katika m kutano wa wafanyakazi, itatusaidia katika mafunzo ya programu. Hata hivyo hatupaswi kushiriki hili nje jinsi ilivyo kwa sasa. Tunaweza kushiriki kwamba kulikuwa na ukosefu wa imani katika mbinu za kuripoti, unafikiri hii inafaa?




Tunapaswa kushauriana na Achol kuhusu matokeo haya kabla ya m kutano wa wafanyakazi, yeye kama mratibu wa kulinda usalama anaweza kuwa na ufahamu zaidi wa matokeo haya na huenda angependa kuhusika katika kushiriki habari hii."

Wani na Mimi wanajadili matokeo yao na Achol, katika nafasi yake kama kiongozi wa kulinda usalama.



"Asante sana kwa kushiriki matokeo haya na mimi. Inasaidia sana kuona maeneo ambayo yanahitaji kuboreshwa ili kufanya mbinu za kuripoti kuwa na ufanisi zaidi. Ninafikiri pia inaweza kufaa sana ikiwa utashiriki uzoefu wako wa kutambua hatari ya kulinda usalama na jinsi ulivyoshughulikia hili. Ilikuwa ni zoezi nzuri ya kulinda usalama na ninafikiri inaweza kusaidia timu kujifunza."

"Ndiyo, matokeo hayo yanasa idia sana kuboresha utendaji wetu wa kulinda usalama. Tutafurahi sana kushiriki uzoefu wetu wa kufanya ziara hii."



Kumbuka:

Ikiwa unatafakari kuhusu ufanisi wa kulinda usalama ni muhimu kumhusisha mratibu wako wa kulinda usalama. Timu ya Ufuatiliaji, Tathmini na Ujifunzaji inaweza kushiriki matokeo haya lakini inapaswa kuwahusisha wale walio na utaalamu wa kulinda usalama wakati wa kutafsiri matokeo yenewe.



Wani na Mimi wametayarisha matokeo yao ili kuwasilisha kwa timu.

Kile kilichosalia ni kuandaa ajenda. Ni muhimu utengeneze nafasi salama kwa warsha ya mafunzo ili kuhimiza ushiriki, na tafakari ya kina kuhusu mafanikio na changamoto.

Kumbuka: Ni mazoezi bora kuwashirikisha washirika watekelezaji kama washikadau wa ndani katika vipindi vyta kujifunza na kutafakari.

Agenda ya warsha ya mafunzo

Kipengele	Mantiki
Utambulisho na sheria za msingi	Ni muhimu kuunda nafasi salama ya kujifunza na kutafakari ili kuhakikisha kila mtu anajihisi salama kushiriki kwa uaminifu. Utambulisho, utangulizi na kuweka sheria za msingi ni jambo muhimu.
Uwasilishaji wa matokeo	Ni muhimu kuwasilisha ushahidi ili kufahamisha tafakari ya timu. Hapa Wani na Mimi watashiriki matokeo kuhusu kulinda usalama.
Tafakari na kujifunza	Nafasi ya timu kutafakari juu ya matokeo ni muhimu ili kuelewa ufanisi wa hatua zilizopo za kulinda usalama na kufafanua ni marekebisho gani yanahitajika ili kuboresha kulinda usalama.
Marekebisho	Ni muhimu kujadili na kukubaliana marekebisho.
Kufunga hotuba	Shukuru kila mtu kwa wakati wao na mkubaliane kuhusu hatua zinazofuata.

Shirika la FHF na SHA watakuja pamoja ili kuhudhuria warsha ya mafunzo, mwezi mmoja baadaye.

Wani na Mimi wanawasilisha matokeo ya kulinda usalama, Achol anaomba kikundi kutafakari kuhusu haya.



Mimi anawasilisha matokeo yake kuhusu ufehamu na uelewa wa watu wa mbinu za kuripoti, na anaomba timu kutafakari:

Asilimia 89 ya wafanyakazi wa kliniki na asilimia 67 ya wanajamii waliripoti kwamba ikiwa tukio lilionekana linaweza kuripotiwaa.

Asilimia 80 ya wafanyakazi wa kliniki na asilimia 71 ya wanajamii waliripoti kujua jinsi ya kuripoti tukio na wanaweza kuelezea hili kwa usahihi.


Baadhi ya wanajamii hawana ujasiri wa kuripoti kwa sababu hawana uelewa kamili wa kile kinachopaswa kuripotiwaa.



"Nimeshangaa kuona kwamba asilimia 33 ya wanajamii hawawezi kuripoti. Inaonekana hii inaweza kuwa kwa sababu hawaelewi ni nini kinapaswa kuripotiwa."



"Ndiyo, labda tunahitaji kufanya kazi zaidi ili kujenga uelewa wa jamii kuhusu aina gani za matukio yanawakilisha tukio la kulinda usalama na yanahitaji kuripotiwa."



"Wazo zuri Nyamer, kuna ushahidi mwingi nje kuhusu vikwazo vingine vinavyoweza kuathiri utoaji wa ripoti wa jamii, labda tunaweza kuangalia hilo pia."



"Inafurahisha sana kuona timu ikiingiliana na data tuliyokusanya na kwamba tayari tumegundua mabadiliko kadhaa ya programu. Pia tumeombwa kushiriki uzoefu wetu wa kutambua hatari ya kulinda usalama tulipokuwa tukikusanya data na jinsi tulivyoishughulikia. Mimi na Nyala mnaweza kuendelea!"

Mimi na Nyala wanashiriki uzoefu wao wakati wa kukusanya data, na kushiriki na kikundi:

- Ni hatari gani iliyotambuliwa na kwa nini ilikuwa hatari
- Hatua walizochukua
- Mabadiliko yaliyofanywa ili kukusanya habari zaidi
- Njia ya kusuluhiha na Victor ili kuhakikisha kuwa hii haikuwa imesababisha tukio



tena."

"Asanteni nyote wawili kwa kushughulikia hili jinsi mlivyofanya, mlichukua hatua zote muhimu ili kulinda usalama wa watumiaji wetu wa huduma. Kwa sababu hii niliweza kuhakikisha kuwa hakuna tukio lililotokea, kutambua kwamba walinzi hawapaswi kukusanya data hii na kuandaa mafunzo kwa walinzi. Marekebisho yamefanywa kwa mchakato wa usajili, ili hatari hii isijirudie

Mkutano unapokamilika, Kakiye angependa kushiriki baadhi ya tafakari na mawazo ya mwisho na timu yake.

"Asante kwa timu ya Ufuatiliaji, Tathmini na Ujifunzaji kwa kipindi hicho muhimu sana, maoni mliyokusanya yatatusaidia ili kuboresha kulinda usalama. Kazi yenu ya pamoja na umakini kwa undani ulisababisha shughuli salama ya Ufuatiliaji, Tathmini na Ujifunzaji kwa kila mtu aliyehusika.



Hii inaniangazia kiasi cha maendeleo ambayo tumefanya katika safari yetu ya kulinda usalama kama timu. Na safari hii inaendelea, huku kukiwa na mabadiliko kadhaa yaliyo chanya katika watu wetu, sera na taratibu, ninaweza kuona kutokana na data kuwa bado kuna maendeleo zaidi ya kufanywa. Ninatarajia kujifunza na kuendelea katika safari hii pamoja na nyinyi nyote."

Muhtasari

Umejifunza nini?

- Kwamba kanuni za kulinda usalama ni muhimu katika kubuni na kutekeleza shughuli za ufuatiliaji na tathmini.
 - Umuhimu wa kuhakikisha usalama wa washiriki wa programu, wanajamii na wafanyakazi na watu wa kujitolea katika kipindi chote cha ufuatiliaji na tathmini.
 - Jinsi ya kutumia ukusanyaji wa data wa Ufuatiliaji, Tathmini na Ujifunzaji ili kuelewa ufanisi wa mbinu za kulinda usalama katika programu na kupata maoni ya washiriki.
 - Jinsi ya kutambua hatari zinazohusiana na shughuli za Ufuatiliaji, Tathmini na Ujifunzaji.
 - Umuhimu wa kujifunza kwa pamoja na kutafakari data iliyokusanywa wakati wa shughuli za Ufuatiliaji, Tathmini na Ujifunzaji.
-

Hongera kwa kukamilisha Moduli ya 5 Kuhusu Masuala ya Kulinda usalama: Ufuatiliaji, Utathmini na Ujifunzaji kwa njia Salama

Asante kwa kuandamana na shirika la FHF na SHA katika safari yao ya kulinda usalama.

Tunatumaini utachukua mafunzo uliyojifunza kutoka kwa mfululizo wa moduli hii na kuyatumia kwenye kazi yako, na kwamba ni muhimu kuwa na wahusika kwa shirika la FHF na SHA akilini unapofikiria jinsi ya kutumia kulinda usalama na Ufuatiliaji, Tathmini na Ujifunzaji katika mazoezi ya kila siku.

Pata taarifa kuhusu majarida ya hivi punde ya Kituo cha Rasilimali na Usaidizi, rasilimali za kulinda usalama, semina za mtandaoni, podikasti na mengine mengi kwenye Kituo cha Rasilimali na Usaidizi unapoendelea na safari yako ya kulinda usalama.

Kisha, kamilisha tathmini yako ya Moduli ya 5 ili kupata cheti chako cha kibinagsi cha mafanikio.



Majibu

Shughuli ya 1.1: Idhini iliyoarifiwa kwa washiriki walio watu wazima

Yafuatayo yanapaswa kujumuishwa katika fomu ya idhini iliyoarifiwa ya ukusanyaji wa data kutoka kwa mshiriki wa kike aliye mtu mzima

1. **Jinsi data yao itakavyohifadhiwa na nini kitatokea baada ya mahojiano / majadiliano / shughuli za kukusanya data**
2. ~~Taarifa zinazotambulika kuhusu mhojiwa (anwani, nambari ya simu, na kadhalika)~~
3. **Utangulizi kwa shirika na timu ya kukusanya data, madhumuni ya kukusanya data na habari kuhusu ni nini watatarajia wakati wa zoezi la kukusanya data (ikijumuisha tabia ya wafanyakazi wa kukusanya data).**
4. ~~Habari kuhusu ni katika mazingira gani yatalazimu faragha kuvunjiwa kutokana na hatari ya papo hapo, madhara au usalama, hasa kwa mtoto.~~
5. **Habari kuhusu uzoefu wa kibinagsi wa mtafiti kuhusu mada inayojadiliwa**
6. **Ni hatari au manufaa gani ambayo yanaweza kutokana na ushiriki wao**
7. **Taarifa kwamba wanaweza kuondoa ushiriki wao wakati wowote**

[Rudi kwenye moduli](#)

Shughuli ya 1.2: Shughuli ya tathmini ya hatari

Ifuatayo ni orodha ya hatari na upunguzaji ambazo unaweza kutambua katika shughuli za ukusanyaji wa data

Hatari	Upunguzaji
Ukatili wa kimwili au dhuluma ya maneno kwa washiriki kutohana na ushiriki wao katika utafiti.	Uhamasishaji wa jamii ufanywe kabla ya shughuli za kukusanya data, ili kuijulisha jamii madhumuni ya ukusanyaji wa data.
Maumivu mapya kwa washiriki kuitia kushiriki uzoefu na watafiti	Fanya majoribio ya awali ya zana ili kuhakikisha kuwa zinaeleweka vizuri na hazisababishi shida.
Uchovu, dhiki na / au kupatwa na shida kwa watafiti au wanaokusanya data.	Fanya mikutano ya kutoa taarifa fupi na wasimamizi wa utafiti na timu ya utafiti mwishoni mwa kila siku, au siku ya pili.
Watafiti au wakusanya data wanapokiuka kanuni za maadili na kuweka washiriki katika hatari.	Mafunzo yatolewe kwa wakusanya data wote juu ya itifaki za utafiti: idhini, ulinzi wa data na faragha.
Washiriki wanafichua matukio ya kero (ukatili, dhuluma, unyanyasaji, unyonyaji).	Mafunzo kwa watafiti kuhusu jinsi ya kushughulikia yaliyofichuliwa, ikijumuisha kuripoti na njia za rufaa.

[Rudi kwenye moduli](#)

Shughuli ya 1.3

Eneo ambalo linahakikisha vizuri zaidi usiri na usalama wa washiriki.

Katika eneo la mkutano wa jamii lililowekwa mbali na kliniki, lenye mlango wa kibinafsi na ufikiaji salama.

Nafasi hii inatoa usiri na usalama huku pia ikiwa katika jamii ya eneo hilo badala ya kliniki inayotoa usiri wa ziada kwa washiriki.

[Rudi kwenye moduli](#)

Tafakari ya 1

Wakati wa mkutano wa kutoa maelezo mafupi Mimi anapendekeza kwamba awahoji wanajamii wa kike na Wani awahoji wanajamii wa kiume na washikadau wengine. Kwa nini hii ni muhimu katika kulinda usalama?

Kuteua wanaohoji wa jinsia moja kunaweza kupunguza hatari ya Unyonyaji wa Kingono, Dhuluma na Unyanyasaji wa Kingono, kuongeza uaminifu na kuunda nafasi salama zaidi kwa washiriki wa utafiti.

[Rudi kwenye moduli](#)

Tafakari ya 2

Unakubaliana na Mimi na Nyala kwamba hii ni kero? Kwa nini?

Hii inawakilisha kero la kulinda usalama, na uwezekano wa ukiukaji wa ulinzi wa data na faragha. Fanya shughuli inayofuata ili kutambua hatari zinazoweza kutokea kutokana na hili.

[Rudi kwenye moduli](#)

Shughuli ya 2.1

Ninahisi kukaribishwa, wafanyakazi katika eneo la mapokezi wakati wote huwa wa msaada na wana heshima. Daima ni ya kupendeza. Daima huwa ninaulizwa kuandikisha jina langu na nambari yangu ya simu kwa mlinzi wa lango na sifahamu ni kwa nini. Nimegundua kuwa wanaweka kitabu kilichojaa majina na nambari kwenye dirisha lao lililo wazi. Sipendi kuwa watu wengine wanaweza kuona jina na nambari yangu kwa urahisi.

Mshiriki wa Kikundi Kinacholengwa

Hatari zinazoweza kutokea za kulinda usalama kutoka kwenye taarifa iliyoshirikiwa na wanawake katika kikundi kinacholengwa.

- 1. Walinzi wanaweza kuwasiliana na mwanamke huyo bila idhini yake, na huenda wakamnyanyasa.**
- 2. Nyumba ya mwanamke huyu inaweza kuibiwa.**
 - Hakuna data ya anwani iliyotolewa kwa hivyo haiwezekani kwamba hii itakuwa hatari, na hii haiwakilishi hatari ya kulinda usalama.
- 3. Mlinzi anaweza kuwa katika hatari ya kukiuka faragha, au kanuni za maadili kwa kushikilia habari hii kwa njia isiyofaa salama.**
- 4. Mume wa mwanamke huyo, au familia, wanaweza kugundua kuwa mwanamke huyu anahudhuria kliniki, bila ruhusa na anaweza kuwa katika hatari ya ukatili.**
- 5. Mwanamke huyu anaweza kupigwa simu kwa njia isiyofaa na mtu ambaye ameona nambari yake.**
- 6. Mwanamke huyu anaweza kupewa dawa zisizo sahihi.**
 - Hakuna hatari ya hili kama matokeo ya kutohifadhi data yake kwa usalama.

[Rudi kwenye moduli](#)

Shughuli ya 2.2

Ni maswali gani unafikiri yanafaa kuulizwa wanawake kuhusu uzoefu wao wa usiri na faragha ya data katika majadiliano yanayofuata ya kikundi kinacholengwa?

- 1. Ni habari gani inakusanywa kutoka kwako unapofika kwenye kliniki?**
Sahihi. Hili ni swali lisiloegemea upande wowote ili kupata ukweli.
- 2. Ni nani aliyekuuliza kutoa habari hiyo?**
Sahihi. Swali hili linajaribu kuelewa ukweli.
- 3. Umewahi kuuliza ni kwa nini wanahitaji habari yako?**
Sio sahihi. Swali hili linaonekana kumlaumu mtu, au kutoa hisia kwamba alifanya jambo baya.
- 4. Je, unafahamu jinsi data yako inahifadhiwa na jinsi inavyotumiwa?**
Sahihi. Swali hili tena linajaribu kujua kama mtu huyo aliarifiwa kuhusu jinsi habari yake ilivyokuwa ikitumiwa, bila kupendekeza kuwa alipaswa kuuliza.
- 5. Unahisi vipi kuhusu habari yako kuhifadhiwa kwa njia hii?**
Sahihi. Huku swali hili likiwa la kibinagsi sana linapomuomba mhojiwa kushiriki hisia zake kuhusu tukio hili, ikiwa umetengeneza nafasi salama na ya heshima, inaweza kuwa sahihi kuuliza swali hivi ili kuelewa vizuri zaidi athari za tabia hii kwa mtu binagsi. Swali hili linaonyesha kwamba mhoji anamhurumia mhojiwa.
- 6. Ni kwa nini uliwapa nambari yako?**
Sio sahihi. Hili ni swali la moja kwa moja na la kuhukumu. Linaweza kumfanya mtu ahisi kuwa analaumiwa.

[Rudi kwenye moduli](#)

Shughuli ya 3.1

Matokeo yafuatayo yana uwezo mkubwa wa kusababisha madhara au kuweka watu katika hatari?

Katika Majadiliano ya Makundi Yanayolengwa, wanawake wanaotumia huduma walishiriki kuwa katika siku za nyuma wakati matukio yameripotiwa kwa polisi wa eneo hilo matukio hayo hayajachukuliwa hatua na hivyo awana imani na polisi.

Matokeo haya yanazungumza kwa karibu zaidi na uzoefu wa kibinagsi na yanakosoa utendaji wa polisi wa eneo hilo. Kuna uwezekano kwamba hii inaweza kusababisha mvutano na kusababisha upinzani au matatizo kwa wale ambao wamezungumza. Ikiwa hili litashirikiwa nje rejeleo la polisi linaweza kuondolewa.

[Rudi kwenye moduli](#)

Kiolezo cha Tathmini ya Hatari

Shirika	Shirika la Family Health Frontiers (FHF) na Shirika la Sure Health Africa (SHA)			
Washiriki wa timu:	Derick, Gloria, Nyala, Victor			
Kiwango cha jumla cha hatari (L/M/H):				
Tarehe ya ukaguzi:				
Hatari	Maelezo	Uwezekano (L/M/H)	Athari	Kupunguza
atari kwa washiriki				
Hatari kwa watafiti				

Tambua kiwango cha uwezekano wa hatari kutokea
Uwezekano mkubwa 3
Inawezekana 2
Haiwezekani 1

Tambua athari inayowenza kutokea kwa watu binafsi na sifa ya shirika
Uwezekano mkubwa 3
Inawezekana 2
Haiwezekani 1

[Rudi kwenye moduli](#)

Majibu ya Tathmini ya Hatari

Shirika	Shirika la Family Health Frontiers (FHF) na Shirika la Sure Health Africa (SHA)			
Washiriki wa timu:	Derick, Gloria, Nyala, Victor			
Kiwango cha jumla cha hatari (L/M/H):				
Tarehe ya ukaguzi:				
Hatari	Maelezo	Uwezekano (L/M/H)	Athari	Kupunguza
Hatari kwa washiriki	<p>Upinzani kutoka kwa wanajamii kwa ushiriki wao katika shughuli za ukusanyaji wa data, au kwa kuzungumza na watafiti</p> <p>Ukatili wa kimwili au maneno ya matusi kwa washiriki kutokana na ushiriki wao katika utafiti</p> <p>Maumivu mapya kwa washiriki kupitia kushiriki uzoefu na watafiti</p> <p>Washiriki wanaibua matukio ya kero (ukatili, dhuluma, unyanyasaji, unyonyaji) wakati wa shughuli za ukusanyaji wa data</p>	1 1 2 2	3 3 3 3	<ul style="list-style-type: none"> Uhamasishaji wa jamii ufanywe kabla ya shughuli za kukusanya data ili kujulisha jamii madhumuni ya ukusanyaji wa data. Watafiti wa jinsia moja waajiriwe kufanya mahojiano <p>Uhamasishaji wa jamii ufanywe kabla ya shughuli za kukusanya data ili kujulisha jamii madhumuni ya ukusanyaji wa data.</p> <p>Fanya majaribio ya awali ya zana ili kuhakikisha kuwa zinaeleweka vizuri na hazisababishi dhiki</p> <p>Uhamasishaji wa jamii ufanywe kabla ya shughuli za kukusanya data ili kujulisha jamii madhumuni ya ukusanyaji wa data.</p>
Hatari kwa watafiti	<p>Dhuluma na unyanyasaji wa watafiti na wanajamii</p> <p>Uchovu / uzoefu wa shida ya utafiti kwa watafiti au wanaokusanya data</p> <p>Watafiti au wanaokusanya data wanapokiuka kanuni za maadili na kuweka washiriki katika hatari (kwa mfano usalama, faragha ya data)</p> <p>Washiriki wanaibua matukio ya kero (ukatili, dhuluma, unyanyasaji, unyonyaji) wakati wa shughuli za ukusanyaji wa data</p>	1 2 1 2	3 3 3 3	<ul style="list-style-type: none"> Uhamasishaji wa jamii ufanywe kabla ya shughuli za kukusanya data ili kujulisha jamii madhumuni ya ukusanyaji wa data. Utafiti / ukusanyaji wa data ufanike na watu wawili wawili <p>Mikutano ya kutoa taarifa fupi na wasimamizi wa utafiti na timu ya utafiti mwishoni mwa kila siku, au siku ya pili</p> <p>Mafunzo yatolewe kwa wakusanya data wote kuhusu itifaki za utafiti / ukusanyaji wa data juu ya idhini, faragha na ulinzi wa data</p> <p>Mafunzo kwa watafiti kuhusu sera na taratibu za kulinda usalama, ikijumuisha kanuni za maadili, kutodhuru na njia za rufaa</p>

[Rudi kwenye moduli](#)

Mwisho wa moduli
